

Odluka kojom se produžava mandat gospodina Sven Marius Urke-a na funkciji međunarodnog člana Visokog sudskog i tužilačkog vijeća Bosne i Hercegovina

Koristeći se ovlaštenjima koja su mi data u članu V Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja navedenog Sporazuma o implementaciji civilnog dijela Mirovnog ugovora; i posebno uzimajući u obzir član II.1.(d) prethodno navedenog Sporazuma prema kojem Visoki predstavnik “pruža pomoć kada to ocijeni neophodnim, u iznalaženju rješenja za sve probleme koji se jave u vezi sa implementacijom civilnog dijela Mirovnog ugovora”;

Pozivajući se na stav XI.2 Zaključaka sa Konferencije o implementaciji mira održane u Bonu 9. i 10. decembra 1997. godine, a na kojoj je Vijeće za implementaciju mira pozdravilo namjeru Visokog predstavnika da upotrijebi svoj konačni autoritet u zemlji u pogledu tumačenja Sporazuma o implementaciji civilnog dijela mirovnog ugovora kako bi pomogao u iznalaženju rješenja za probleme, kako je prethodno rečeno, “donošenjem obavezujućih odluka, kada procijeni da je to neophodno” o određenim pitanjima uključujući (prema tački (c) ovog stava) “mjere kojima se obezbjeđuje implementacija Mirovnog sporazuma na cijeloj teritoriji Bosne i Hercegovine i njenih entiteta”;

Uvjeren u suštinski značaj koji za Bosnu i Hercegovinu ima

nastojanje da se ojača i slijedi vladavina zakona kako bi se stvorila osnova za privredni rast i strane investicije;

Uz uvažavanje stava I.2.a Zaključaka donesenih na navedenoj konferenciji u Bonu koji potvrđuju “da je nepristrasno i nezavisno pravosuđe” od “suštinskog značaja za vladavinu prava i pomirenje u Bosni i Hercegovini”, da proces imenovanja sudija i tužilaca mora biti zasnovan na sposobnostima, da se mora uspostaviti institucija za edukaciju sudija i tužilaca, te da je kontrola pravosudnog sistema element od suštinskog značaja za pomenuti proces;

Pozivajući se na Komunique Upravnog odbora Vijeća za implementaciju mira od 28.02.2002. godine, u kojem Upravni odbor podržava pooštrenu strategiju reforme pravosuđa Nezavisne pravosudne komisije za 2002/03. godinu, kao i uvažavajući, između ostalog, značaj uspostavljanja Visokog sudskog vijeća za BiH i reorganizacije sudova, a što se dalje ponavlja u Komuniqueu od 7.5.2002. godine;

Pozdravljajući postizanje sporazuma između entiteta o prenošenju određenih odgovornosti koje se odnose na pravosuđe na nivo Bosne i Hercegovine, kojim se omogućava uspostavljanje jedinstvenog Visokog sudskog i tužilačkog vijeća na nivou Bosne i Hercegovine;

Imajući u vidu da je zakon o jedinstvenom Visokom sudskom i tužilačkom vijeću na nivou Bosne i Hercegovine stupio na snagu 1.6.2004. godine i da je neophodno osigurati neometanu transformaciju u novoosnovano Vijeće, te takođe garantovati kontinuiran rad, nastavak članstva, kontinuirano prisustvo međunarodnih članova, geografsku zastupljenost i ravnomjernu nacionalnu zastupljenost i zastupljenost spolova;

Pozivajući se na prethodnu odluku visokog predstavnika, donesenu 3.6.2004. godine, o imenovanju članova i savjetnika Visokog sudskog i tužilačkog vijeća Bosne i Hercegovine, objavljene u “Službenom glasniku Bosne i Hercegovine” br.

28/04, prema kojoj mandat gospodina Svena Marius Urke-a, kao međunarodnog člana Visokog sudskog i tužilačkog vijeća ističe 3.6.2005. godine;

Imajući u vidu zaključak Visokog sudskog i tužilačkog vijeća iz februara, 2005. godine, prema kojem međunarodni članovi Vijeća i dalje daju značajan profesionalan doprinos radu Vijeća, kao i da je rad međunarodnih članova izuzetno koristan za stvaranje profesionalnog radnog okruženja, a naročito u ovom periodu pojačane aktivnosti u vezi sa pravosudnom reformom u Bosni i Hercegovini;

Pozivajući se na preporuku za produžetak mandata međunarodnog članstva u Visokom sudskom i tužilačkom vijeću, a naročito na preporuku predsjednika Visokog sudskog i tužilačkog vijeća Bosne i Hercegovine za produžetak mandata gospodina Sven Marius Urke-a od 26.5.2005. godine,

Ovim donosim slijedeću

ODLUKU

kojom se produžava mandat gospodina Sven Marius Urke-a na funkciji međunarodnog člana Visokog sudskog i tužilačkog vijeća Bosne i Hercegovina

Član 1.

(1) Ovom Odlukom se produžava mandat gospodina Sven Marius Urke-a, advokata iz Norveške, kao međunarodnog člana Visokog sudskog i tužilačkog vijeća Bosne i Hercegovine, do 1.8.2006. godine.

(2) Pored obaveza koje ima kao član Vijeća, gospodin Sven Marius Urke će istovremeno vršiti dužnost savjetnika Sekreterijata Vijeća, uz koordinaciju direktora Sekreterijata, do 1.8.2006. godine.

Član 2.

Ova odluka stupa na snagu odmah i bit će objavljena u
"Službenom glasniku Bosne i Hercegovine".

Sarajevo
godine

,

3.6.2005.

Paddy Ashdown
Visoki predstavnik